

Autoridade Bancária e de Pagamentos de Timor-Leste

Banking and Payments Authority of Timor-Leste

Av^ª Bispo Medeiros, PO Box 59, Dili, Timor-Leste
Tel. Nº (670) 3 313 718, Fax. Nº (670) 3 313 716

RELATÓRIU TRIMESTRÁL FUNDU MINA-RAI NIAN

Trimestre ne'ebé termina iha 30 Juñu 2011

KOMUNIKADU IMPRENSA

Autoridade Bankária no Pagamentu (ABP) ohin lansa Relatóriu Trimestrál Fundu Mina-Rai Timór-Leste nian ba dala Ruanulu-resin-hat ba trimestre ne'ebé termina iha loron 30 Juñu 2011 ne'ebé hatudu katak kapitál Fundu nian hamutuk \$ 8.305,80 millaun kompara ho \$ 7.745,25 millaun iha fim Marsu 2011.

Relatóriu ne'e mós hatudu katak totál reseitas mak simu durante trimestre ne'e hamutuk \$754,06 millaun ne'ebé kompostu hosi kontribuisaun kontribuinte sira ba Fundu hamutuk millaun \$304,11 no pagamentu *royalty* simu hosi Autoridade Nasionál Petróleu (ANP) millaun \$449,95.

Rendimentu hosi investimentu Fundu nian hamutuk millaun \$106,49 durante trimestre ne'e kompostu hosi, kupaun no jurus ne'ebé simu mak millaun \$59,98 no mudansa iha valór merkadu nian millaun \$47,68. Ne'e rezulta rendimentu ba karteira Fundu nian durante trimestre ne'e 1,38%, enkuantu rendimentu sasukat (*benchmark*) nian ba periodu ne'e mak 1,38%. Rendimentu karteira durante trimestre ne'e mak hanesan ho rendimentu sasukat (*benchmark*) nian.

Lei Fundu Mina-Rai nian espesifika katak Autoridade Bankária no Pagamentu nu'udar Banku Sentráal Timór-Leste nian iha futuro, mak hanesan ajente responsavel ba jestaun operasionál Fundu Mina-Rai nian. Ministériu Finansas mak responsabliza atu estabelese estratéjia investimentu tomak kona-ba Fundu ne'e nian.

Mandatu ne'ebé fó ba ABP laiha mudansa, katak, atu jere Fundu ne'e besik ba Indise sasukat *Merrill Lynch* tinan 0-5 Governu Estados Unidos nian enkuantu BIS nia mandatu mak jere Fundu iha maneira retornu portefoleu titulus diversifikadu ho objetivu atu dezempeña liu referencia (*benchmark*) no mantein *ex ante tracking error* iha Pontu baze 100 nia laran.

Mandatu ne'ebé fó ba Schroders mak atu jere portofoliu iha maneira *enhanced passive indexing* no mantein *tracking error* ida-ne'ebé relativa ba sasukat ne'ebé normalmente laliu hosi pontu base 100, ho diferenza pezu ne'ebé mantein iha 0,5% (nivel asoens) no 2,5% (iha nivel nasaun no seitor). Laiha tempu ida mak *tracking error ex-ante* bele liuhosi pontu base 150.

Autoridade Bankária no Pagamentu jere ona portefoleu besik liu ho pontu referencia trimestre dala 24 dahuluk. Diferensia entre portefoliu no pontu referencia hahú hosi inísiu fundus nian mak pontu baze -4.

Pontu importante hosi Relatóriu Trimestre ba dala XXIV, ne'ebé kobre período 1 Abril to'o 30 Juñu 2011, inklui:

- Saldo balansu inísiu hamutuk millaun \$ 7.745,25.
- Reseitas durante trimestre ne'e hamutuk 754,06 millaun ne'ebé kompostu hosi reseita kontribuinte sira hamutuk millaun \$304,11, reseitas *royalty* simu hosi ANP nian hamutuk \$449,95 millaun.
- Osan sai durante trimestre ne'e mak milaun \$301,17 kompostu husi transferensia ba Orsamentu Jeral Estado hamutuk millaun \$300 no gastu hodi kobre kustu operacional nian hamutuk millaun \$1,17.

- Totál osan likídu ne'ebé tama ba Fundu durante trimestre ne'e mak millaun \$452,89.
- Rendimentu portefolio mak 1,38% durante trimestre ne'e no rendimentu referensia (*benchmark*) mak 1,38%. Retornu portefoliu mak hanesan ho retornu referensia.
- Rendimentu investimentu durante trimestre ne'e mak \$106,49 millaun kompostu hosi jurus titulus nian millaun \$59,98 no alterasaun valor merkadu nian mak millaun. \$47,68
- Saldo balansu ikus hamutuk millaun \$ 8.305,80.

Relatóriu trimestráil, no mós lei Fundu Mina-Rai nian no Akordu Jestaun Operasionál, disponivel iha portal Autoridade Bankária no Pagamentu www.bancocentral.tl

Ba informasaun adisionál bele hetan hosi:

Venancio Alves Maria
Diretór Ezekutivu
Jestaun Fundus Petróleu,
Autoridade Bankária no Pagamentu Timór-Leste nian
Korreiu-Eletróniku: venancio.maria@bancocentral.tl

Telefone: + (670) 3313718

Dili, 5 Augustu 2011